

DE

РЕЗОЛЮЦИЯ

ПРЕЗ

XVII КОНФЕРЕНЦИЯ

ВКП (Б)

ПАРТИЗДАТ

1932

THE UNIVERSITY OF CHICAGO

THE UNIVERSITY OF CHICAGO
LIBRARY

Цыг.
2-59

Пролетарии сэрэ свѣтостыр, скэдэннэ кхэтанэ!

РЕЗОЛЮЦИЯ

прэ XVII КОНФЕРЕНЦИЯ

ВКП(б)

Г.П.Б. в Лнгр
О.Э 1932 г.
АКТ № 210

Ц

ПАРТИЙНОЕ ИЗДАТЕЛЬСТВО
Москва 1932

ИЧВ. №

109

Сдана в производство 20/II—1932 г. Подписана к печати 7/IV-1932 г.
Уполн. Главлита № В-11101. Партиздат № 109. Тираж 1.000. Формат
72×105/32 1 п. л. 38148 зн. Редактор А. Таранов. Техредактор Родионов Н.

Зак. № 193.

17-я тип. «Полиграфкнига», Москва, Шлюзовая наб., 10.

РЕЗОЛЮЦИЯ ПИРО ДОКЛАДЫ т.т. МОЛотовОНЭС И КУЙБЫШЭВОНЭС

Директивы ваш второ 5 бэршытко плано (1933—1937).

1. ВАШ ИТОГИ ПИРО ПЭРВО ПАНДЖ БЭРШЫТКО ПЛАНО

1. Прэ миштэ рэнды дрэ марибэ пало 5 бэршытко плано, палэ пролыджяибэ лэс дрэ штар бэрша сыкавэла уче соцыализмоскиро строительство дрэ СССР. Адалэ миштэ рэнды сы пирдал политика дрэ индустриализация, газдыбэ пхари индустриализация. Пало прогыно времё амари пхари промышленость тходы зоралэс прэ гэра и адалэса сы кэрды пэскири база, соб тэ пролыджяс реконструкция (прикэрибэ) дрэ саро народно хулаибэ, — кэрды база ваш соцыалистическо пхари машинно индустрия. Пало последня бэрша розкхудяпэ строительство (кэрнапэ нэвэ предприятия) кэрдэ адасавэ предприятия, савэ пире техника сы учедыр европейсконэдыр пире койсавэ промышленостякирэ отрасли. Кхэтанэ адалэса прэ бут выбария и логкхи промышленость, роскхуибэ дрэ хабнытко индустрия прэ бут приучякирдя задэибэна пире 5 бэршытко плано.

2. Дрэ гавитко хулаибэ прогыя припхагирибэ, ачья пририсибэ кэ соцыализмо машкир чёрорэ и середняцка массы дрэ гав. Учё штэто дрэ гавитко хулаибэ залынэ соцыалистическа формы (колхозы и совхозы). Советско Союзостронатыр, кай сыс дрэван тыкно гавитко хулаибэ акана пририся дрэ строны, кай гавитко хулаибэ пирдал келлективизация, совхозы и бугло

влыджяибэ дрэ адава рэндо машынно техника ачъя самонэ учеса дрэ саро свэто.

Адая соцыализмоскири победа кэрдя само пхаро задэибэ дрэ пролетарско революцыя и лакэ сы всемирно—историческо тимин.

3. Барэ итогоса дрэ соцыалистическо строительство пирэ пэрво 5 бэршытко плано сы адава, со концоса сы подрискирдэ капитализмоскирэ корни дрэ гав. Адава лыджяла кэ пхэрдэ ликвидация капиталистическа элементы, адалэса пхэрдэс хаськирнапэ классы: Адава, со джяла кэ концо фундаментоскири постройка ваш соцыализмо, ракирла, со Ленинско пучибэ «кон—конэс» кэрдо прэ амаро васт и дрэ форо и дрэ гав.

4. Пирдал адава со шукир пролыджянапэ большэвистска темпы дрэ соцыалистическо строительство и пирдал адава, со сы хаськирдэ паразитическа классы, уже дрэ пэрва пандж бэрша хаськирнапэ основы и источники ваш эксплоатация манушэс манушэса, барьёла народно кофо нанэ бибутякирэн и чёрорипэн. (Кэ адава ни коли на домарнапэ капиталистическа страны). Хаськирнапэ ножницы прэ тимина, хаськирлапэ разница машкир форо и гав, барьёна бэршэстыр дрэ бэрш миштыпэ и культурность бутярен и бутитконэ крестьянэн, мэрна манушэн тыжныдыр и барьёла бияныпэ.

5. Саро адава сы пирдал колоссально (баро) барьипэ революционно активность дрэ буглэ массы бутяритконэ классос и бутитконэ крестьянэн, саро адава сы пирдал учё соцсоревнованийё и ударничество, саро адава сы пирдал Ленинско политика дрэ амари партия. Партия пролыджяла саро адава времё пире саро фронто гыибэ прэ капиталистическа элементы (чясти).

6. Партия домардяпэ кэ саро адава дрэ марибэ буржиаз-нонэ теорияса (сыкляибэ троцкистско). Адая теория ракирла

со нашта тэ построинэс соцыализмо дрэ екх страна, со адай банго капитализмо тэ рисёл палэ (капитализмоскири реставрацыя). Акана троцкизмо пиририся дрэ англатуно отрядо буржуазно контрреволюцыя.

Партия домардяпэ кэ адалэ успехи дрэ марибэ правонэ оппортунизмаса. Линия правонэ оппортунистэн сы дрэ адава, собы тэ срискирэс политика пиро соцыалистическо наступленийё и тэ здэс кулачествоскэ и буржуазиякэ (капитуляцыя ангил кулачество и буржуазна элементы).

Только зорало марибэ левонэ и правонэ оппортунизмаса и одолэнца, кон примириноэлапэ лэнца, только зорало марибэ пало генерально партиякири линия ВКП(б) дыя зор тэ пролыджяс пэрво 5 бэршытко плано дрэ 4 бэрша, дыя зор тэ розмарэс классовонэ ворогос и дыя победа соцыализмоскэ дрэ СССР.

II. ОСНОВНА ЗАДЭИБЭНА ДРЭ ВТОРО 5 БЭРШТЫТКО ПЛАНО

Успехи дрэ пэрво 5 бэршытко плано создынэ база ваш дуратуно, инке барыдыр соцыализмоскиро барьилэ.

XVII конференцыя ВКП(б) гинэла, со амарэ барэ природна барвалэпына, большэвистска темпы дрэ соцыалистическо строительство, активность дрэ буглэ массы бутярен и колхозникэн и чячюны партиякири линия дэна пхэрдэс тэ розкхувэспэ производительнонэ зорьякэ дрэ соцыалистическо хулаибэ дрэ втора пандж бэрша. Прэ адая основа лэна окончательно ликвидированы капиталистическа элементы дрэ СССР. Конференцыя гинэла, со основнонэ (главнонэ) политическонэ задэибнаса дрэ втора 5 бэрша сы,—окончательно тэ хаськирэс капиталистическа элементы и классы, пхэрдэс тэ хаськирэс адава, со янэла пэса классовость и эксплоатация и тэ пиризорьякирэс капитализмоскирэ остатки дрэ эко-

номика (народно хулаибэ) и дро годы манушэн, пирикэрибэ сарэн бутитконэн дрэ сознательнонэ и активнонэ строите-лендэ дрэ соцыалистическо обшщество, кай на явэла классы.

Пирдал ликвидация (хаскирибэ) паразитическо классо и пирдал адава со народно кофо лэла выбарьякирдо и ёв пхэрдэс джяла прэ бутитконэ манушэндэ, пирдал адава амэ долыджяса кэ сыго миштыпэ ваш бутяритка и крестьянска массы и кэ адава решытельно тэ фэдырьякирэс саро жылишно и коммунально рэндо дрэ СССР. Конференция гинэла, со потребительска товары и чяраибэ дрэ второ 5 бэршытко плано кэ лакиро концо авэна бутыр прэ 2—3 молы сыр дро бэрша пиро пэрво 5 бэршытко плано.

1. Тэ пролыджяс адалэ задэибэна можно, коли лэла пролыджины т е х н и ч е с к о р е к о н с т р у к ц ы я пиро саро народно хулаибэ (дрэ промышленность транспорто и гавитко хулаибэ).

Кэ пэрво 5 бэршытко плано СССР узорьякирдя народно хулаибэ (восстановительно периодо), а палэ последня бэрша СССР тэрдья прэ пирикэрибнытко дром (реконструкция) дрэ народно хулаибэ (сыр металлургия, машиностроение, вангарытко промышленность), а жыко адава със пролыджины: реконструкция дрэ нефтяно промышленность. Вавир штэто залэла реконструкция дрэ гавитко хулаибэ (ёй сы адай буглэс роскхуды) и рикирлапэ прэ нэви техническо база.

Сарэ адалэ миштэ догэибэна пало пэрва 5 бэрш сы только пэрва шаги дрэ техническо реконструкция пиро народно хулаибэ. Саро амаро оборудованиё дрэ промышленность, транспорто, уж на ракирава ваш гавитко хулаибэ, пхурия и розпэрлапэ пхурипнастыр и би адалэскиро собы тэ на пролыджяс техническо реконструкция пиро саро народно хулаибэ, би нэвэ машиннонэ техникакиро—нашты тэ кэрэс боль-

шэвистска темпы дрэ соцыялістическо строітельство, а ада-савэ темпы треби ваш адава, собы тэ пролыджас задэибэна пире второ 5 бэршытко плано.

Пирдал адава XVII конференцыя ВКП(б) гинэла, со гавитконэ хулаибнытконэ задэибнаса дрэ второ 5 бэршытко плано сы одова, соб тэ пролыджас пхэрдэс реконструкцыя дрэ саро народно хулаибэ, собы тэ создэс нэви техническо база ваш сарэ отрасли дрэ народно хулаибэ.

Лыджяибнытко роль тэ пролыджас техническо реконструкцыя тходы сы прэ советско машыностроений. Конференцыя гинэла, со треби тэ вымэкэс бутыр продукция пире машыностроений кэ 5 бэршытконэ планоскиро концо и на тыкныдыр сыр дрэ 3—3½ молы 1932 бэршэстыр. Саро, со треби ваш реконструкцыя дрэ промышленность, транспорто, гавитко хулаибэ, тарго и адякэ дурыдыр банго тэ авэл об-бутякирдо машынэнца пэскирэ заводэндыр.

Самонэ барэса дрэ техническо реконструкцыя пире народно хулаибэ сы нэви энергетическо база. Ёй (база) сы стходы прэ буглэ промышленностьякири и транспортоскири

Самонэ барэса дрэ техническо реконструкцыя пире на-витко хулаибэ. Ваш дорэсэибэ электрическо зор используетэ напэ рэки, барунэ вангарытка залежы дрэ основна и штэ-тытка бассейны и штэтытко хачькирибэ (торфо и сланцы). Конференцыя гинэла, со треби тэ домарэспэ дрэ 1937 бэрш тэ буглякирэс дорэсэибэ электроэнергия на тыкныдыр 100 млрд. квт мардэ. Дрэ 1932 бэрш дорэсэибэ 17 млрд., тэ дорэсэс вангар на тыкныдыр 250 млн. т., а дрэ 1932 бэрш дорэсэибэ вангар 90 млн. т., тэ газдэс дорэсэибэ нефть прэ 2½—3 молы.

XVII конференция ВКП(б) гинэла, со пире барэ отрасли дрэ народно хулаибэ дрэ втора пандж бэрша треби тэ тховэс адасавэ задэибэна.

а) Пире калы металлургия дрэ 1937 бэрш пире выплавка чюгуно банги тэ явэл на тыкныдыр 22 млн. т., а жыко адава бэрш выплавка банги тэ выджял, дыкхи прэ 1937 бэрш. Металлургическа заводы бангэ тэ дэн сталь, кицы треби ваш машыностроение. Ваш адава треби тэ пролыджяс техническо реконструкция дрэ калы металлургия. Треби тэ построинэс нэвэ заводы, тэ утховэс прэ лэндэ зорало оборудованиё, тэ подготовинэс сырьё и тэ пролыджяс электропроцэссы.

б) Пире цветно металлургия треби тэ домарэспэ, собы выплавка пире медь, свинцо, цынко, алюминийё и вавир металлы, сыс адасави, сави на зрискирдя бы заводэнгири буты. Ваш адава треби тэ использовать селективно флотацыя, тэ плавинэс роспылённа руды и нэво сырьё.

в) Пире химическо промышленность тэ домарэспэ собы пириачья тэ отачел розкхуибнастыр, саво сы амэндэ дрэ народно хулаибэ. Особо треби тэ явэс прэ стрэга пало розкхуибэ дрэ основно химия и прэ вымэкэибэ удобрение, ваш со треби тэ пирикэрэс заводы и пашыл адава тэ пролыджяс нэво строительство.

г) Пире саSTRUHO дромытко транспорто тэ пролыджяс коренно реконструкция дрэ саSTRUHO дромытко транспорто, тэ пролыджяс нэвэ саSTRUHэ дрома на тыкныдыр 25—30 тыс. км, тэ кэрэс на екх дэша нэвэ мосты пирдал главна панитка дрома, тэ вылыджяс зоралэ пхурдыня и вагоны, прэ кой-савэ дрома тэ пролыджяс электрификацыя буглэс тэ влыджяс автоцэпки автоблокировки, тепловозы. Роскхуибэ саSTRUHO дромитко транспорто банго тэ сыгыдырякирэл газдыбэ дрэ хулаибэ дрэ бут районы и

национальна республики. Лэнгири нужда жыко адава дрэван на зоралэс фэдырьякирдяпэ.

Пиро панитко транспорто тэ пролыджяс реконструкция дрэ морско и речно флото, тэ фэдырьякирэс панитка дрома и тэ кэрэс речна и морска порты.

Пиро дромытко и шоссейно строительство и автомобилизация тэ дэс сыгө темпо ваш розкхуибэ бутыр сыр пиро вавир саво транспорто.

Воздушно дром тэ розкхувэс, сыр екх само баро рэндо ваш спхандыпэ дуратунэ районэнца и промышленнонэ центрэнца. Тэ розкхувэс сарэ спхандыпнытка виды, дрэван жэ радио.

д) Пиро логкхи и хабнытко промышленность тэ розкхувэс производства создыпнаса бари машинно индустрия и прэ бут тэ розбуглякирэс гавитко — хулаибнытко сырьево база. Хабнытка нормы бангэ тэ явэн бвтыдыр дрэ 3 молы. Треби зоралэс тэ розкхувэс логхи и хабнытко промышленность дрэ нэвэ районы (дрэ адалэ, кай барьякирлапэ сырьё).

Пиро вэшытко промышленность тэ обезпечинэс требима темпы дрэ барыпэ и тэ пролыджяс механизация.

е) Пиро тыкны кустарно промышленность. Промкооперацыякэ тэ зоралякирэс производство предметы ваш бугло потреблений и тэ разкхувэс промысла и производства, савэ обслужынэна социалистическо промышленность и гавитко хулаибэ пирдал пхэрдо кооперативно обухтылыбэ мелко кустарно промышленность.

ж) Пиро гавитко хулаибэ тэ пролыджяс пхэрдэс социалистическо реконструкция адякэ, собы машинна — тракторна станции обухтылдэ сарэ колхозы. Задэибэ тэ зорьякирэс организационно хулаибнытко страна дрэ кол-

хозы и соцыалистическо барьякирибэ колхозникэн — банго тэ явэл главнонэса и дрэ втора пандж бэрша.

Совхозы бангэ тэ розбуглякирэн пэскиро производство пиро сарэ линии сыр пиро линия дрэ техническа культуры адякэ и пиро розлыджяибэ животнонэн. Совхозы бангэ тэ явэн сыр образчики пиро соцыалистическа производства уче машиннонэ техникаса, агрономияса и зоотехникаса.

Дрэ розлыджяибэ ското дрэ втора пандж бэрша тэ домарэспэ кэ баро розлыджяибэ сыр тхудунытконэ адякэ и масунэ скотос, собы миштэс помогискирдя тэ пролыджяс животнорозлыджяибнытко проблема дрэ СССР. Треби адай тэ кэрэс адякэ сыр кэрдо партияса дрэ зерново проблема.

Пиро хлопко и лёно треби тэ долыджяс барьякирибэ лэн прэ 2 молы бутыдыр, нэ на тыкныдыр, а пиро сахаритко свёкла — прэ трин молы (валово продукция).

Ваш адава треби инке бутыдыр и сыгыдыр тэ газдэс зерново хулаибэ адякэ, собы зерново продукция кэ второ 5 бэршэнгиро конце догыя на тыкныдыр сыр 1 миллиардо 300 милионы цэнтнеры.

Адалэстыр главнонэ задэибнаса дрэ втора бэрша банго тэ явэл задэибэ тэ газдэс урожаё дрэ колхозна и совхозна фэлды, адякэ жэ треби большэвистко марибэ засухаса.

2. Треби тэ пролыджяс задэибэ пиро техническо реконструкция дрэ народно хулаибэ. Нэ адава пролыджяибэ сы танго спхандло одолэса, со ваш адава треби тэ создэс пэскири техническо интеллигенция бутярендыр и крестьянэндыр и тэ газдэс культура дрэ сари масса бутитконэн. Тэ выкэрэс адая проблема сы дрэван бари чясть (элементо) дрэ адава, соб, пиро большэвистско тэ пролыджяс задэибэ ваш культурно революция дрэ амари страна и ваш адава соб миштэс тэ пролыджяс соцыализмоскиро строительство. Тэ сыгыдырякирэс техническо сыкляибэ и зоролы материально государ-

ственно подрикирибэ дрэ рэндо тэ розкхувэс наука дрэ СССР—окэ адасавэ сы пашылатунэ задэибэна, савэ сы составно чясть дрэ кхэтано задэибэ тэ кэрэс соцыализмо дрэ амари стро́на.

3. Собы миштэс сыс влыджинэ дрэ буты большэвистска темпы пирó народно хулаибэ и собы на сыс бари нужда дрэ товары манушэндэ гавэстыр и форостыр, ваш адава треби-лачэ товарооборото. Розкхуибэ дрэ товарооборото и хулаиб-нытко розгиныбэ сы дрэван баро рэндо дрэ адава, соб тэ откэрэс амарэ барэ резервы (запасы). Кхэтанэ адалэса шукар розкхудэ товарооборотоса амэ домарасапэ кэ лачэ снабжэ-ниё бутярен и бутитконэн промышленнонэ товарэнца и про-дуктэнца гавитконэ хулаибнастыр. Ваш адава треби тэ откэ-рэс бутыр банзы и тэ пролыджяс дрэ лэндэ техническо рекон-струкция. Только адалэса амэ домарасапэ кэ одова, со лэна тэ отмэкэн на пири утходы норма, а кицы конэскэ закамэлапэ.

Пашыл адалэса конференция сыкавэла антибольшэвизмо дрэ «лево» фраза—лава ваш адава со амэ пригыям кэ одоя пора дрэ соцыализмоскиро строительство, коли треби тэ об-парувэспэ продуктэнца и со адай отмэрна ловэ, на авэла бик-ныбэ и киныбэ. Конференция ваврэ стронатыр сыкавэла со сы дурал партиякирэ политикатыр и нанэ мишто ваш бутя-ритконэ классоскэ буржуазна—нэпманска фрэнтыма принцы-поса дрэ хозрасчето (хулаибнытко розгиныбэ). Кой кон за-лэлапэ одолэса, со розбикнэла би угиныбнаскиро народна го-сударственна ресурсы и адалэса срискирла утходэ хулаиб-нытка планы.

Нэвэ миштэ соцыализмоскирэ рэнды бутяритко классо узорьякирла марибнаса капитализмоса (остатки савэскирэ инке сы).

Бутяритко классо битангипнаскиро банго тэ отмарэл всяко газдыбэ дрэ капиталистическа элементы. Бутяритко классо

банго тэ лыджял одоя буты, сави-бы лэс соцыалистически воспитындя ваш адава, собы тэ пиризорьякирэс дрэ пэстэ буржуазна и тыкнэбуржуазна, дыкхибэна, савэ сы залыджинэ дрэ лэстэ прогынэ строёстыр.

Адава сыкавэла, со и дрэ дуратуно инке на обджяла амэн классово марибэ и отдельна моменты и дрэван дрэ отдельна районы и прэ отдельна учястки дрэ соцыалистическо стройка, со кхэтанэ адалэса подчеркивает неизбежность тэ зракхэс, а дрэ кой—савэ случаи и тэ узорьякирэс буржуазна влияния прэ отдельна слои и группы бутитконэнгирэн, инке длэнго времё лэна тэ проджян дрэ пролетариато чюжа классово влияния и даже дрэ партия. Адалэстыр ангил партия тэрдо задэибэ тэ зоралякирэс пролетарско диктатура и дурыдыр тэ розкхувэс марибэ оппортунизмоса и дрэван правонэ уклоноса, сыр барэ трашаибнаса прэ адава этапо.

Пхэрды коллективизация дрэ гавитко хулаибэ, государственна гавитка хулаибнытка предприятия, влыджяибэ дрэ совхозы и колхозы англатуны машынно техника,— адалэса гавитко хулаибнытко буты пирикэрлапэ дрэ индустриально буты. Пашыл адалэса транспортскиро зоролякирибэ и товарооборото (обпаруибэ) машкир промышленность и гавитко хулаибэ—создэла адава со на авэла ни сави разница машкир форо и гав.

Соцыалистическо хулаибэ дрэ национальна республики и области дрэ втора 5 бэрш сыго лэла тэ барьёл, а адава хаськирла экономическо и культурно отсталость национальностен, сави сы лэндэ пирдал кралитко колониально — капиталистическо режымо.

СССР дрэ втора 5 бэрша лэла прэ пэрво штэто дрэ Европа пиро техника. Буты дрэ пэрва 5 бэрша със дрэ одова, соб тэ кэрэс амари строа адыкэ, собы ёй на вылыджия за границатыр машины и оборудованиё, а кэрдя—бы кокори ваш

пэскэ и кэ адава амэ домарасапэ. Адава кэрла СССР экономически самостоятельнонэса и на дэла тэ ачес чястяса дрэ капиталистическо сарэсвэтытко хулаибэ. (XIV с'ездо ВКП(б).

Саро адава дэла амэнгэ дрэ втора пандж бэрша тэ дотрадэс техника и экономика дрэ англатунэ капиталистическа страны пиро бут хулаибнытка отрасли.

Барэ кризисоса (экономическа—хулаибнытка тринскирибэна) сы само чячепнытко сыкаибэна прэ адава со капиталистическо миро джяла кэ хась. Дрэван миштэ соцыализмос-кирэ рэнды дрэ СССР-сы само чяче сыкаибэ прэ адава, со соцыалистическо система сы учедыр капиталистическонэ систематыр.

Дрэ капиталистическа страны—пынэ производства, закэрнапэ фабрики и заводы, хасёна производительна зорья. Дрэ СССР—производства барьёна, строинэнапэ фабрики, гигантска (дрэван барэ) заводы, нэвэ шахты и электростанцыи, учес барьёна производительна зорья.

Дрэ капиталистическа государства миллионы бибутякирэн, баро чёрорипэ дро гава. Дрэ советско союзо бибутякирэн нанэ, 7 мардытко бутяритко дывэс. Прэ фабрики и заводы, газдэлапэ миштыпэ дрэ джиибэ бутиконэн дрэ форо и дрэ гав.

Саро адава кэрла СССР адасавэ штэтоса, карик тырдэнапэ сарэсвэтытка бутярья и притасадэ мануша сарэ свэтостыр. Советско Союзо джянгавэла дрэ сарэндэ революционность. СССР зоралякирлапэ сыр база ваш международно соцыализмо.

XVII конференция ВКП(б) патяла, со основна задэибэна пиро второ пандж бэршытко плано лэна на только пролыджинэ, нэ со лэна пролыджинэ упрэдыр и со ваш адава лэла обезпечено чячюно конкретно хулаибнытко руководство и решытельно марибэ бюрократизмоса сарэ организацыендыр

бутяритконэ классоскирэ. И со треби ваш адава соб тэ газ-
дэс учедыр бутитко производительность — лэла дыно бутит-
конэнгэ.

Ряды манушэн, савэ лэна тэ бутякирэн прэ соревнованиё
и сыр ураники, лэна тэ барьён každонэ дывэсэса.

Конференцыя патяла, со бутяритко классо и колхозна мас-
сы латхэна пэскэ дрэ партийна, комсомольска, профсоюзна
и Советска организацыи большевистсконэ организаторэн и
лыджяибнытконэн дрэ победоносно марибэ пало второ 5
бэршытко плано.

Конференцыя гинэла пало требима адай-жэ тэ розкхувэс
буты дрэ партийна, советска, хулаибнытка кооперативна,
профессиональна и комсомольска организацыи, собы сыгы-
дыр тэ розбутякирэс второ 5 бэршытко плано и тэ влыд-
жяс лэс прэ очередно партиякиро с'ездо.

ИТОГИ ДРЭ ПРОМЫШЛЕННОСТЯКИРО РОЗК- ХУИБЭ ПАЛО 1931 БЭРШ И ЗАДЭИБЭНА ПРЕ 1932 БЭРШ

Резолюция пирО ракирибэ т. Орджоникидзе пре XVII
конференция ВКП(б)

I. ИТОГИ ПАЛО 1931 БЭРШ

XVII партийно конференция ракирла, со Советско про-
мышленность 1931 бэрш пролыджия нэвэ победэнца.

Продукция пирО сари социалистическо промышленность
сыс дрэ 1931 бэрш про 27 миллиарды састэ, со дья барьипэ
пре 21% кэ 1930 б. Продукция промышленностьякири пирО
планы ВСНХ отходя 21,8 млрд. састэ, барьипэ 1930 бэршэстыр
сы пре 20,5%, адатхыр пирО пхари промышленность —
11,8 млрд. састэ и 28% барьипэ 1930 бэршэстыр. Адаcаво
барьипэ на джиндя ни екх капиталистическо государство
дрэ сама миштэ бэрша.

Дрэ 1931 бэрш бут заводы паривыкэрдэ пэскиро задэибэ
пирО пандж бэршытко плано дрэ 2½—3 бэрша (нефтяно про-
мышленность, электротехника, сарэ заводы пирО машиноост-
роение, кондитирско и мачюны консервно промышленность).

Пандж бэршытко плано пролыджино дрэ штар бэрша.

Дрэ сарэ капиталистическа страны 1931 бэрш сыс бэршэса,
коли лэн обухтылдя кризисо, саво ни коли адасаво на сыс дрэ
кайтилизмоскири история. Адава кризисо пролыджия кэ ко-
лоссално (баро) заводэнгиро закэрибэ, ни саво строитель-
ство на пролыджялапэ.

Бибутякирэн дрэ Европа и САСШ ачъя бутыр 25 млн, тык-
някирдяпэ бутитко тимин и чёрорэн ачъя дэша миллионы,
дрэ Советско Союзо бибутякирэн нанэ, бутярен, савэ сы за-
лынэ бvтjаса прэ произвводство и строительство дрэ
1931 бэрш, выбария прэ 2 млн, а бутитко тимин выбария
прэ 16% 1930 бэршэстыр.

Кхэтанэ барьипнаса дрэ 1931 бэрш бария миштыпэ пиро
буты дрэ промышленность. Пирдал партиякири зор, пирдал
зор ударникэн, хулаибнытконэ организаторэн, лаче инже-
нерэн, техническонэ бутярен пролыджияпэ буглэс нэви тех-
ника и присыкляибэ кэ нэвэ производства.

Одолэса, со обухтылдэ техника прэ Сталинградско Трак-
торно заводу и «Красно Путиловцо», одолэса со сы мэкно
Харьковско тракторно заводу, адава, со пролыджины рекон-
струкцыя пиро саро машинностроение, одолэса со мэкнэ и
розкхувэна заводы пиро комбайны, со мэкнэ Московско и
Нижегородско автомобильна заводы—сарэса адалэса сы соз-
дыны заралы производственно база, сави дэла зор тэ прибия-
нэспэ пиро техника сарэ народнонэ хулаибнаскэ кхэтанэ га-
витконэ хулаибнаса.

Дрэ 1931 бэрш перво моло тходэ и лынэ тэ кэрэн зоралэ
машины и баро оборудованиё ваш электрификацыя, ваш неф-
тяно, вангарытко промышленность и калы металлургия.
Шукар джяла буты прэ нэво заводу, кай плавинэна учи пиро
качество сталь. Пэрво моло гынэ дрэ буты автогенно и элек-
трическо сварка. Розкхувэлапэ производство пиро калийна,
азотна, фосфорна удобрения. Розхувэлапэ производство
пиро искусственно волокно.

Дрэ 1931 бэрш дрэван учякирдэ влыджинэ средства ваш
нэво строительство пиро промышленность, сави сы тэло лыд-
жяибэ ВСНХ,

Дрэ 1931 бэрш прэ промышленно строительство тходо 7 миллиарды састэ и влыджино инке трин пашэса (3,5) миллиарды састэ нэво основно капитало. Адакицы сыс влыджино пало 2¹/₂ прогыне бэрша.

Адыкэ 1931 бэрш сы решытельнонэ бэршэса пиро влыджя-ибэ основно капитало дрэ эксплоатацыя. Пирдал адава гыя сыгыдыр нэво строительство и ваврэ стронатыр кончили тэ строинэн барэ заводы, савэ сыс затходэ ваш постройка дрэ прогыне бэрша. Дрэ 1931 бэрш и дрэ январё 1932 бэрш закончили и мэкнэ дрэ буты Нижэгородско автомобильно за-заводо, Харьковско тракторно заводу, Московско автомо-бильно заводу, пэрво очередь Уральско заводу пиро пхаро машиностроений, Саратовско заводу ваш комбайны, Уральско медеплавильно заводу, Хибинска апатиты, трубчатки и крекинги. Сыг мэкэлапэ первоочерёдно Магнитогорско и Кузнецко заводы, первоочерёдна Березняки, Невско, Воскре-сенско химзаводы, заводу Шарикоподшипнико, станкостро-ительна и инструментальна заводы дрэ Москва и Нижне Нов-городо. Влыджинэ 79 вангарытка шахты зорьяса дрэ 28 милл. т. и электрическа станцыи зорьяса дрэ 1 млн. квт. Пало екх адава бэрш кэрдо адыкэ бут, кицы сыс кэрдо пало 2 прогыне бэрша (Звевско, Штеровско, Кузнецко, Магнитогорско, Бе-резниковско, Теплоэлектроцэнтраль и ваврэ).

Пашыл адава постройка прэ Днепровско гидроэлектриче-ско станцыя гыя адыкэ миштэс, со кончинэна ла жыко сроко и мэкэна ла лынаскиро дрэ 1932 бэрш. Адая станцыя рикирла сарэсвэтытко тимин.

Адалэса со миштэс розкхувэлапэ строительство дрэ Маг-атацыя бари зор пиро электростанцыи газдэна нэви техни-ческо база дрэ народно хулаибэ.

Адалэса со миштэс розкхувэлапэ строительство дрэ Маг-нитогорско и Кузнецко металлургическа заводы и коксохи-

мическа комбинаты дрэ лэндэ, адалэса со розкхувэлапэ Кузнецко вангарытко бассейно и строительство прэ Уральско заводу пиропхаро машыностроений и Сибирско заводу ваш горно оборудований — адалэса затховэлапэ зорало фундамента ваш нэви зоралы вангарытко металлургическо база (кэ лав тэ пхэнэс, Урало-Кузбасско комбинато). Адава сыс придыкхно XVI партиякирэ с'ездоса.

Пашыл капиталнонэ строительствоса, пашыл адалэса со розкхувэнапэ производства, Советско промышленность создала ваш пэскэ барэ нэвэ бутяритка и техническа кадры. Дрэ 1931 бэрш 1,8 млн. манушэн сыклёна дрэ система ВСНХ. Коли дрэ 1931 бэрш сыс вымэкно 21 тысенцо тэрнэ инженерэн и техникэн, то дрэ 1932 бэрш лэла вымэкно 38 тысенцы и дрэ 1933 бэрш—85 тысенцы.

Коли школы ФЗУ дрэ 1931 бэрш вымэкнэ 51 тысенцы манушэн, то дрэ 1932 бэрш лэла вымэкно 359 тысенцы. Адалэ нэвэ кадры, савэ сыго буглякирнапэ пэскирэ числоса, зоралякирнапэ нэвэ техникаса и адава само дэла логкхипэ дрэ социалистическо промышленноствякиро розкхуибэ.

1931 бэрш сыс решаюшшёнэ бэршэса дрэ научно-исследовательска учреждения.

Сарэ адалэ учреждения лынэ тэ оббутьякирэн социалистическо строительство. Научно-исследовательска учреждения пиропромышленность (институты и лэнгирэ филиалы прэ производства) выбаринэ палогыно бэрш жыко 205. Раньше сыс 141. Число научнонэ бутярен дрэ промышленность выбария 6 тысенцэндыр жыко 12,5 тысенцы.

Машкир научнонэ бутярендэ дрэван бут лэндыр выгыя бутярендыр. Адай жэ треби тэ пхэнэс ваш адава, со бут со откэрдо дрэ техника и ужэ сы прилыно промышленноствяса (ферросплавы, специальна стали, логкхэ металлы, авиация, пластическа массы, нэвэ материалы ваш стройка комбиниро-

вана гавитка хулаибнытка машины, нэво сырьё и нэвэ фэды-
рьякирибэ дрэ технологическа процессы).

Дрэ 1931 бэрш лынэпэ пало адава, сов тэ пирикэрэс ор-
ганизация дрэ буты и дрэ промышленность пиро сыкаибэ
т. Сталинос. Адалэ сыкаибэна отлыджянапэ кэ адава, со тре-
би: тэ пирикэрэс система дрэ плэскирибэ пало буты, марибэ
уравниловкаса и обезличкаса, марибэ прастаибнаса бутярен
штэтостыр прэ вавир, марибэ палэ организовано втырдыбэ
бутяритко зор дрэ промышленность и пало дуратуно фэды-
рьякирибэ дрэ джиибэн бутярен, тэ влыджяс и тэ узороля-
кирэс хозрасчето (хулаибнытко розгиныбэ) тэ тыкнякирэс
об'единения, собы със логкхыдыр и миштэс тэ лыджяс лэс-
киро хулаибэ, тэ розкхувэс дурыдыр буты пиро подготовка
пролетарско производственно техническо интеллигенция и
тэ рисёс муеса кэ инженерно техническо зор пхуранэ шко-
латыр, тэ дэс бутыр забота ваш лэнгэ и бутыр тэ втырдэс дрэ
буты и тэ выкхарэс камаибэ тэ дэн пэскири инициатива дрэ
буты.

Адыкэ трито решаюшшэ бэрш дрэ 5 бэршытко плано кон-
чинэлапэ итогэнца, савэ сыкавэна, со создэлапэ нэви зоралы
техническо база дрэ саро народно хулаибэ, и ангил сарэстыр
дрэ реконструкция пиро пхари индустрия. Адалэса треби тэ
гинэс, со проблема (задэибэ) пиро основно капитало дрэ со-
цыалистическо хулаибэ сы кэрды, а адава дэла зор кхэтанэ
буглэ розкхуибнаса дрэ пхари индустрия, тэ розкхувэс лог-
кхи и хабнытко промышленность и пирдал гавитко хулаиб-
нытко машиностроение, пирдал электростроительство и хи-
мическо промышленность тэ создэс нэви техническо основа
ваш дуратуны реконструкция и механизация дрэ гавитко ху-
лаибэ.

XVII партийно конференция гинэла, со соцыалистическо
индустриализация дрэ амари страна и фундаменто тэло со-

цыалистическо экономика и кэрибэ СССР экономически самостоятелнонэса пролыджялапэ дрэван миштэс. (Адава курсо сыс дыно XIV партиякирэ с'ездоса и дуратуно розкхуибэ лэс сыс прэ XV и XVI партийно с'ездо). Миштэ адалэ рэнды сы только пирдал адава со саро времё пролыджялапэ тэло Лениноскиро ЦК лыджяибэн генерально партиякири линия, сави (партия) розмардя контреволюцыонно троцкизмо и правонэ оппртунистэн.

II. ГЛАВНА НАУХТЫЛЭБЫНА ДРЭ ПРОМЫШЛЕННОСТЯКИРИ БУТЫ

Надыкхи прэ барэ догэбына, бэрштыко плано прэ 1931 бэрш пиро количество и качество надовыкэрдо.

Основнонэ причинэнца адалэскэ сыс:

1) на мишты буты дрэ транспорто дрэ пэрво 1931 бэршэскиро квартало зарикирдя промышленностякиро розкхуибэ,

2) барэ наухтылэбына дрэ буты дрэ само промышленность, ангил жэ сарэстыр дрэ бутитко организаця (сыр обезличка дрэ плэскирибэ пало буты (уравниловка) дрэ заводско (андрэ) планированиё и дрэ техническо лыджяибэ. А адава саро прилыджия кэ надокэрибэ пиро плано пиро бутитко производительность и пиро тимин прэ продукця (куч фабрично тимин);

3) отрискирибэ лыджяибнытконэн предприятиендыр, на мишто на конкретно хулаибнытко лыджяибэн предприятиенца;

4) На мишто розгыибэ машкир одова, сыр бария плэскирибэ пало буты и сыр гыя бутитко производительность, — прилыджия кэ баро пирирасходо дрэ фондо пиро плэскирибэ пало буты. Адава прилыджия кэ одова, со сыс на выкэрдо планово задэибэ пиро тыкнякирибэ тимин прэ продукця.

5) напхэрдо влѣдѣяибѣ хулаибнытко розгыныбѣ;

6) на пхэрдо продыхѣибѣ сыр джяла рэндо.

Конференцыя гинѣла со сари партиякири и бутяритконѣ классоскири зор банги тѣ явѣл тходы прѣ адава собы тѣ хасѣ-кирѣс адалѣ наухтылѣбына, собы тѣ пролѣдѣяс плано прѣ 1932 бѣрш, собы инке бутыдыр тѣ ипользынѣс промышлен-ностякѣ саро со сы дрѣ соцыалистическо хулаибнытко сис-тема.

III. ПЛАНО ПРѣ 1932 БѢРШ И ЛѢСКИРѢ ЗАДѢИБѢНА

Пири сари промышленность валово продукция утходы пи-ро плано дрѣ 1932 бѣрш дрѣ 37,5 млрд. састѣ. Число бутярен банго пирѣ сари промышленность (адарик вдѣяла и строи-тельство) тѣ выбарѣл прѣ 1 миллионо 200 тысенцы, бутитко плѣскирибѣ выбария прѣ 11% дрѣ промышленность и 5,6% пирѣ строительство, бутитко производительность — прѣ 22%. Капитальна бутя пирѣ сари промышленность стховѣна 12 милиларды састѣ, дрѣ адая сумма вдѣяна пирѣ пхари про-мышленность — 9,2 млрд. састѣ.

Центральнонѣ задѣибнаса дрѣ сарѣ народно хулаибнытко плано прѣ 1932 бѣрш сы,— тѣ пролѣдѣяс производственно и строительно программа пирѣ калы металлургия, вангар и машиностроениѣ.

1. Адай пѣрвонѣ кореннонѣ задѣибнаса дрѣ промышленно плано пирѣ калы металлургия тѣ пирѣячѣс тѣ отачѣс, тѣ до-лѣдѣяс чюгуноскири выплавка дрѣ 1932 бѣрш жыко 9 млн. т., сталь — жыко 9,5 млн. т., прокато — жыко 6,7 млн. т., тѣ выплавинѣс качественно сталь жыко 676 тыс. т. Строи-плано пирѣ калы металлургия тѣ пирѣячѣс тѣ отачѣс, тѣ до-можынѣла тѣ авѣл пролѣдѣжины тогда, коли лѣла использо-вано, сыр треби, производственно и материально зор, джи-

нэибэ бутярен и техническонэ инженернонэ и хулайбнытконэ бутярен и ангил сарэстыр кокори калы металлургияжири зор.

Конференция гинэла со треби тэ фэдырьякирэс буты дрэ промышленность пирогнеупорна материалы. Дрэ 1932 бэршогнеупорно промышленность банги на только тэ пролыджял пхэрдэс дыны лакэ программа, нэ и тэ вымэкэс адякэ миштэогнеупоры, собы ёнэ на здынэ пиропэскиро качество импорт-нонэнгэ (заграничнонэнгэ).

Конференция сыкавэла бутяренгэ дрэ саструнэ дромитко транспорто, собы ёв миштыдыр лыджия пэскири буты. Ёв под'янэла металлургиякэ саро сырьё (руда, коксо, флюсо, магнезито, огнеупоры и вавир). Бутяса саSTRUНО-дромитко транспорто банго тэ обеспечинэл пхэрдэс буты дрэ металлургическа заводы. Треби дрэ само сыго сроко тэ розгрузинэс Криворожско бассейно барэ запасэндэс и тэ пиричюрдэс лэн прэ заводы.

2. В т о р о н э у с л о в и ё с а, тэ пролыджяс промышленно плано прэ 1932 б. адава тэ газдэс учедыр вангарытко до-рэсэибэ жыко 90 млн. т. и тэ выхачькирэс коксо жыко 13,4 млн. т. Тэ пролыджяс адава можна отэнчя, коли:

а) авэла кэрдо пиригыибэ дрэ сарэ вангарытка бассейнычастичнонэ механизациятыр кэ комплексно механизация дрэ сарэ процэссы. Тэ запарувэс ангил сарэстыр вастытко буты машиннонэса дрэ пхарэ бутя—отмарибэ вангар, тхойбэ лэс прэ конвейеро и адякэ жэ машиннонэ бутяса тэ затховэс выбутякирдо пространство;

б) коли лэла сыгыдыр тэ джял буты дрэ шахты, а ваш адава треби одой механизация и нэвэ способы дрэ буты;

в) коли авэла решытельно сдвиго дрэ марибэ пало фэды-рякирибэ вангар и дрэ пэрво очередь одова вангар, саво

джяла прэ коксованіё. Кэрдо адава авэла пирдал Зоралэ
строительна фабрики и сортировка дрэван дрэ восточна бас-
сейна;

г) треби тэ фэдырьякирэс жылишно и культурно джи-
ибэн бутярен, треби тэ создэс кадры, собы на сыс сезонность.

Треби тэ сократынэс хачьикирибэ дуратуно, вангар ваш
адава конференция сыкавэла СНК. НКПТ и штэтытконэ пар-
тийонэ организацыенгэ, собы ёнэ помогискирдэ тэ розкхувэн
штэтытка хачьикирибнытка ресурсы (Подмосковно бассейно,
Черемхово, Дальуголь, Ферганска вангара, бура вангара прэ
Украйна, и прэ Урало, Боровичско вангар, торфо и сланцо)
пиритрадыбэ сапропелитово вангар дрэ Сибирь и ад. дуры-
дыр.

Сыго барьипэ дрэ автотракторно парко мангэла амэндыр
собы дурыдыр тэ розкхувэс дорэсэибэ и пирикэрибэ нефть,
дуратуны реконструкция дрэ нефтяно промышленность, тэ
частичнонэ механизациятыр кэ комплексно механизация дрэ
нэвэ районы и тэ пролыджяс производственно программа прэ
1932 бэрш.

3. Тритонэ задэибнаса дрэ промышленно плано сы дуры-
дыр тэ розкхувэс союзно машиностроение одолэса, собы тэ
дэс тэ пролыджяс народно хулаибнытко плано прэ капиталъ-
на бутя ваш оборудованіё Советско производство. Адай
треби тэ рипирэс, со программа пире паровозо-строение, пи-
ро оборудованіё ваш калы металлургия и вангарытко про-
мышленность банги тэ явэл тходы дрэ пэрво ударно задэибэ.

Ваш адава треби тэ сыгыдырьякирэс строительство и сы-
гыдыр тэ мэкэс Уральско и Краматорско заводы пире пхаро
машиностроение, Сибирско заводу пире горно оборудова-
ніё, Луганско паровозостроительно и Нижнетагильско ваго-
ностроительно заводу.

Миштэ рэнды пирэ индустриализация, реконструкция дрэ гавитко хулаибэ и адава, со барьёна форья и нэвэ промышленна цэнтры (и барьёла материально и культурно джи-ибэ бутитконэн СССР—саро адава тховэла нэвэ и уче требима тэ розкхувэс отрасли дрэ народно хулаибэ, савэ обслужынэна гавитко хулаибэ, форья и культурна джиибнытка нужды бутитконэ манушэн. Пирдал адава Наркомато пиропхари промышленность банго дрэ 1932 бэрш тэ розкхувэл машыностроение ваш гавитко хулаибэ, логкхи индустрия, вэшытко, бумажно, хабнытко промышленность, коммунально строительство, строительство ваш предприятия, савэ требилэна ваш культурна джиибнытка нужды бутитконэ манушэн.

Требидрэ 1932 бэрш тэ тховэс задэибэ тэ влэджяс нэвэ технологическа методы, нэвэс тэ тховэс буты дрэ машыностроение. Адава дэла пхэрдэс тэ исползынэс оборудованиё дэла тэ тыкнякирэс материалоскирэ расходы и тэ газдэс продукциякиро качество.

Ваш экономия металло требидуглэс тэ розкхувэс конструкцыенгиро пиридыкхибэ (конструкция—построение) соб тэ облогкхикирэс лэн, тэ тыкнякирэс барэ припуски прэ об-бутьякирибэ, тэ запарувэс клепана конструкцыи скарадэнца, тэ розкхувэс буты пирохаськирибэ брако отходэнгиро, утилизация.

Собы ваш машыностроение сыс металло, кицы лакэ авэла требидэ, ваш адава требидэ тэ розкхувэс и тэ узоралыкирэс тыкны металлургия (металлургия ваш машыностроителна заводы).

Ваш адава соб народно хулаибнытко плано сыс пролыджино, особенно ваш учякирдо розкхуибэ дрэ пхари промышленность, требидэ разбуглякирэс энергическо база. Электро-строительно программа прэ 1932 бэрш тховэла тэ влэджяс нэви зор прэ барэ Союзна станцыи пашыл 1,5 млн. квт.

Плано дрэ 1932 бэрш зоралэс газдэла зор прэ гидростан-
цыя и зорало розкхувэла теплоэлектроцентрали (пашыл паш
млн. квт. прэ гидростанцыи и строительство 16 ТЭЦ. кхэта-
нэ зорьяса дрэ 800 тыс. квт. Дрэ 1932 бэрш лэла мэкно па-
шыл 300 тыс. квт. теплофикацыонно зор). Адая программа
банги тэ явэл пролыджины дрэ собы тэ на явэл.

Адыкэ адая строительно программа 1932 бэршэскири дэла
мишто газдыбэ дрэ электроснабжениё. Собы тэ пролыджяс
адава задэибэ треби тэ тховэс пучибэ ваш адава, собы зора-
лэс тэ розкхувэс бари электротехническо промышленность,
трубо и котлостроениё, подсобно оборудованиё, аппаратура,
и агрегаты.

Ваш адава, собы тэ пролыджяс плано пиро бут отрасли
дрэ народно хулаибэ, треби тэ пролыджяс планы пиро цвэ-
тытко металлургия и химия и адалэстыр — то конференцыя
сыкавэла партийнонэ организацыенгэ, бутяренгэ, хулаибныт-
конэ бутяренгэ, инженерэнгэ и техникэнгэ, со треби сыгыдыр
тэ закончинэс постройки и тэ влыджяс лэн дрэ производство
и сыгыдыр тэ высклякирэс производство и буты дрэ лэстэ.
Дуратуно розкхуибэ дрэ цветно металлургия и химическо
промышленность тховэла ангил амэндэ требима тэ розкхувэс
машыностроениё и тэ вымэкэс специальна машины и аппа-
раты, савэ жыко акана вылыджинэпэ заграницатыр.

Екхэ барэ задэибнаса пиро промышленно плано 1932 б.
сы барипэ, и барыдыр сыр дрэ прогыно бэрш дрэ продукция
пиро логкхи хабнытко промышленность, и мобилизацыя
сырьёва ресурсы, и одова со розкхувэнапэ производства
пиро нэво сырьё, рационально использованиё лэн и фэдыря-
кирибэ продукция.

Тэ гинэс требимаса форсировать строительство нэвэ ма-
сунэ комбинаты, консервна и сахарна заводы, марунэ заводы
и вавир, а адыкэ-жэ текстильна комбинаты дрэ среднё Азия

и дрэ Западно Сибирь и тэ мэкэс лэн дрэ сыкадо сроко. Ада-ва зоралэс мэкэла ангил реконструкцыякиро рэндо дрэ техничэско база пир хабнытко и логкхи промышленность.

IV. ВАШ ОДОВА, СОБЫ ТЭ ПРОЛЫДЖЯС ПЛАНО, ТРЕБИ РАЦИОНАЛЬНО (НАУЧНО, ГОДЯСА) ТЭ ТХОВЭС ПРОИЗВОДСТВО

Собы тэ пролыджяс тходо партияса задэибэ тэ дэс продукцыякиро барьипэ пир сари промышленность дрэ 36%, и тэ пролыджяс капитально строительство дрэ 12 млрд. адалэ цыфратыр пир пхари промышленность 9, 2 млрд. састэ, ваш саро адава треби тэ скэдэс сари зор партиякири, бутяритконэ классос, инженерэн, техникэн и хулаибнытконэ и профес-сиональнонэ организацыенгири.

Бутякэ прэ откэрдэ заводы и одолэскэ соб тэ кэрэс производство дрэ лэндэ—треби тэ дэс баро дыкхибэ и стрэга. Адыкэ сыр адалэса, со амэ пролыджяса производственно пла-но, амэ поможынаса сарэ капитальнонэ строительствоскэ. Дрэ 1932 бэрш откэрнапэ дэша шэла нэвэ или реконструи-рована (пирикэрдэ) заводы, прэ савэндэ сы тходы нэви сарэ свэтытко техника. Обухтылыбэ дрэ само тыкно сроко заво-дэнгирэ зорьяса, подкэдыбэ и чячипнытко розтхойбэ лыд-жяибнытконэ кадрэн и бутярен, чячюны бутитко организа-цыя прэ заводу, прэ станко кэ каждо машина и тэ газдэс прэ адая основа бутитко производительность, сыр прэ нэвэ, адыкэ и прэ пхуранэ заводы—адасаво решаюшше организа-цыонно задэибэ дрэ промышленность дрэ 1932 бэрш.

• XVII партийно конференция гинэла со ваш адава треби:

а) тэ хаськирэс обезличка: тэ тховэс кэ каждо станко, кэ каждо машина, кэ каждо агрегато, прэ каждо бутяритко штэ-то екхэ бутярис, саво бы бутякирдя только прэ лэстэ, саво

бы рикирдя ответо пал лэскири буты. Тэ хаськирэс обезличка дрэ ремонту, дрэ брако, дрэ прогыибэ продукция пире предприятия цехостыр дрэ цэхо, станкостыр кэ станко;

б) тэ хаськирэс уравниловка дрэ плэскирибэ пале буты. Уравниловка рикирля дрэ екх тимин лачи и налаци буты.

в) тэ обезпечинэс окончательно хаськирибэ уравниловка дрэ плэскирибэ пале буты машкир промышленность и тэ обезпечинэс пэрво штэто пире тимин пале буты дрэ металлургия, дрэ вангарытко промышленность и машиностроение;

г) дрэ основа пире чячюны организаця буты и внутри-заводско планирование банго тэ авэл тходо техническо нормирования. Тэ тховэс бангипэ прэ предприятия пале технормирования прэ директорэндэ и цэхово инженерно- — техническо персонало.

д) тэ тховэс прэ англатуно штэто мастерос и бригадирос — инструкторос, тэ розбуглякирэс лэнгирэ правы. Ёнэ сы организаторы дрэ буты, стрэгитко тэ подкэдэс мастерэн и бригадирэн. Тэ дэс лэнгэ материально миштыпэ (лачё плэскирибэ пале буты) требимо хулаибнытко авторитето (патыв) дрэ цэхо и дрэ предприятия.

е) тэ дэс забота и шукар отлыджяспэ кэ инженерно техническо персонало сыр пхуранэ школатыр, адякэ и нэвэ поколениястыр, тэ отлыджяс штэто техникэнгэ и инженеренгэ сыр лыджяибнытконэнгэ дрэ буты, пал сави ёнэ бангэ тэ рикирэн ответо, тэ дэс лэнгэ, со ёнэ забутякирдэ дрэ пэскири буты, прэ сави ёнэ тховэна пэскиро джинэйбэ и годы, откэр-на нэвипэ дрэ рационализаторска (пирикэрибнытка) бутя, пире материалоскири экономия, пире фэдырьякирибэ дрэ буты, дрэ производствоскири постановка, дрэ рэндо тэ фэдырьякирэс производствоскири организаця и адякэ дурыдыр;

ж) тэ узорьякирэс дуратуно хулаибнытко розгиныбэ и договорно дисцыплина;

з) тэ дэс штэто ваш конкретно лыджяибнытко буты, продыхибэ сыр кэрды дыны буты и тэ кэрэс адякэ, собы за-дэибэ сыс выкэрдо. Лыджяибнытка дрэ хулаибнытка органы бангэ тэ обухтылэн техническа, экономическа и финансова производствоскирэ стороны.

XVII партийно конференция прилыя решение ЦК ВКП(б) ваш адава, соб тэ создэс наркоматы пирог логкхи и вэшытко промышленность и пирикэрибэ ВСНХ дрэ наркомато ваш пхари промышленность.

V. ФЭДЫРЬЯКИРИБЭ ДРЭ КАПИТАЛЬНО СТРОИТЕЛЬСТВО

Конференция гинэла, со собы тэ пролыджяс плано пирог капитально строительство дрэ 1932 бэрш и тэ влыджяс дрэ буты нэвэ предприятия, ваш адава треби:

а) тэ скэдэс материальна и финансова средства и манушаны зор прэ барэ строительства, савэ можынэна тэ явэн готовонэнца ваш производство дрэ 1932 бэрш.

б) тэ хаськирэс сезонность и тэ пириджяс прэ строительство пирог сарог строительно фронто прэ сарог бэрш. Дрэ буты тэ джинэс 1931 бэршэскирэ опыты прэ барэ стройорганизации. Треби тэ джинэс со кадры строительнонэ бутярен барьёна;

в) тэ подговинэс площадки и подсобна предприятия и шукар тэ пробутякирэс плано пирог строительство;

г) тэ влыджяс механизация.

д) тэ влыджяс дрэ буты штэтытка строительна материалы, и конструкции лэндыр;

е) треби тэ розбуглякирэс буты пирог обпаруибэ металлодеревоса и железобетоноса. Решительно пирилыджяибэ прэ

прогрессивно сдельно оплэскирибэ пало буты и марибэ бутитконэ прастабнаса.

ж) Решительно пиригыибэ прэ стандартно типово и скэдыбнытко строительство. Опыты дрэ типова постройки сыкадэ шукар пэс.

Ваш адава, соб тэ полэс зор дрэ нэвэ заводы, треби:

а) тэ готовниэс инжэнерна техническа кадры, инструкторэн, бригадирэн и бутяритко зор дрэ нэвэ заводы дрэван жэ тэ создэс постоянна кадры строителен;

б) тэ подготовинэс дрэ лэскиро времё пашылатунэ производства и базы ваш снабжение;

в) тэ высклякирэс отдельна учястки и щэхи дрэ адая пора, коли дрэ лэндэ джяла монтажо, на дужакири коли мэкэлапэ саро заводу.

Баро внимание банго тэ явэл дыно дрэ 1932 бэрш штубитконэ и культурнонэ джиибнытконэ строительствоскэ прэ нэвэ заводы и тэ пользынэспэ дрэ адава рэндо штэтытконэ материалоса и стандартнонэ строительствоса.

VI. МЕХАНИЗАЦЫЯ ДРЭ БУТЫ И ФЭДЫРЬЯКИРИБЭ

XVII партийно конференцыя сыкавэла сарэнгэ партийнонэ организацыенгэ и промышленностякэ со треби сыгыдыр тэ пролыджяс механизация дрэ пхарэ бутя, сыр прэ производство, адякэ и прэ строительство, дрэван жэ дрэ адасавэ отрасли, сыр баруны вангарытко, рудно, вэшытко ваш заготовка, металлургия, транспорто.

Буглы механизация ачела дрэван требимо ваш адава, собы тэ пролыджяс плано прэ производство и строительство.

Прэ адалэ производства сы барэ грузова пиритырдыбэна и адай вастытко буты банги тэ явэл запаруды механизированонэ бутяса.

Конференция гинэла, со ужэ пире плано дрэ 1932 бэрш банги тэ явэл пролыджины механизация, саSTRUHO дромитко и автомобильно транспорто.

Ваш дуратуно розкхуибэ дрэ промышленность банго тэ авэл тходо задэибэ дрэ бутитко производительность, а адава авэла логкхо тэ пролыджяс пирдал нэвэ машины и аппаратура. Дрэ адава бэрш дрэван треби тэ скэдэс дрэ екх зор сарэ ресурсы дрэ промышленность—амарэ можыма тэ скэдэс сарэ средства, собы ёнэ със дрэван чячюнэс ипользындлэ.

Адай—жэ сы задэибэ чячюнэс географически тэ розтховэс промышленность и тэ пролыджяс техническо комбинированийё родственна производства. Саро адава тховэла ангил амэндэ тэ дыкхэс пало качественна сыкаибнытко сыр экономическа (пэскири тимин и бутитко производительность и адякэ дурыдыр) адякэ и технически, савэ стховэна лэнгири материально основа (чячюнэс, пхэрдэс тэ шпользынэс машинэнгири и агрегатэнгири зор, и тэ сыгыдырякирэс технологическа процессы и адякэ дурыдыр).

Рационализация и стандартизация прэ производство, зоралы экономия дрэ материалэнгиро разходование, дрэван жэ одолэ материалы, савэ сы дефицитна. Марибэ розчюрдыпнаса и нашаибнаса дрэ производство,—дэла тэ обезпечинэс лаче качество дрэ заводско продукция, и барьипэ дрэ средства. Адалэ задэибэна дэна дуратуно розкхуибэ дрэ обухтылыбэ техника, дрэ кхэтаны буты машкир научна-исследовательска учреждения и промышленность. Пашыл адава адалэскэ поможынэна фабрична заводска лаборатории; научна-исследовательска учреждения бангэ тэ джинэн адалэ задэибэна, савэ вытховэнапэ планоса дрэ 1932 бэрш.

Техническо активно и хулаибнарья бангэ сарэ зорьяса тэ лэнпэ пало техническо лыджяибнытко буты. Только адякэ

Можно миштэс тэ пролыджяс задэибэ, савэ вытховэнапэ плано-носа прэ 1932 бэрш.

VII. КАДРЫ И ПРОИЗВОДСТВЕННО ТЕХНИЧЕСКО ПРОПАГАНДА

Большевицка темпы дрэ техническо пирикэрибэ пирэ саро народно хулаибэ выкхарла барьипэ дрэ квалифицыровано буты и сыго барьипэ дрэ техническа кадры пирэ промышленность. Адалэ темпы и требима тэ джинэс техноолгическа процэсы ваш бутярэнгэ и инжэнерно-технічэсконэ бутярэнгэ, тховэла требима пашыл планово сыкляибэ, тэ розкхувэс производственно техническо пропаганда. Конференция гинэла, со треби тэ обеспечинэс бугло пролыджяибэ плано пирэ производственно техническо пропаганда. Ваш производственно техническо пропаганда сы баро рэндо тэ пирилыджяс прэ родно чиб техническа лылваря пирэ сарэ промышленностьякирэ отрасли.

Кадры сы главно условиё, саво кэрла мишто планоскиро пролыджяибэ. Треби тэ создэс среднё и учё техническо персонало и научно исследовательсконэ бутярьен.

Треби тэ домарэспэ тэ гэдэс квалификацяя машкир адалэ кадры. Учё инжэнерно-технічэско составо банго тэ явэл прэ адава учипэ, прэ саво сы тходы сарэсвэтытко техника, пашыл адава треби тэ угинэс условия дрэ амаро хулаибэ. Теоретическо сыкляибэ дрэ втузы банго тя явэл спхандло практическонэ бутяса прэ предприятия ваш опыто, а вытхойбэ прэ административна бутя треби тэ угинэс практическо буты.

Конференция гинэла, со треби тэ розкхувэс буглы научно-технічэско общественность бутяритконэ активостыр прэ предприятия (ударники, изобретатели, рационализаторы) и вавир научна техническа обшщества.

Только отэнчя коли розкхувэлапэ адая обшшественность кхэтанэ барипанса соцсоревнование, бугло обпаруибэ опыто-са и адякэ дурыдыр, отэнчя можынэла тэ явэл усыгыдыря-кирдо массово барьипэ дрэ техническа кадры дрэ соцыали-стическо промышленность.

Плано дрэ 1932 бэрш тховэла ангил амэндэ ,собы тэ про-лыджяс лэс, тэ скэдэс сари партиякири зор и зор бутярит-конэ классос и тэ розкхувэс дурыдыр соцсоревнование и ударничество, сыр барэ рычаги дрэ марибэ пало плано.

Основнонэ сыр барэ рычаги дрэ марибэ дрэ ударничес-то и соцсоревнованиё дрэ 1932 банго тэ явэл лозунго тэ дэс строкакэ бутыр продукция и лаче качества пирдал бари экономия и лачё качества пирдал бри экономия и лачё ис-пользование зор, производственно возможность и мишто практическо лыджяибэн дрэ буты.

XVII партийно конференция дэла патыв дрэ адава со бу-тяритко классо, хулаибнарья ,инженерна-техническа бутярья лэна тэ джян пало ленинско партия, тэло лыджяибэ лакиро ЦК и пролыджяна плано пиро барэ бутя дрэ 1932 бэрш дрэ 4 бэрша.

**САВЭ КНИГИ ВЫМЭКЭЛА
ПАРТИЗДАТО ДРЭ 1932 БЭРШ
ПРЭ РОМАНЫ ЧИБ**

Резолюция прэ XVII конференция ВКП(б)

Докладо Орджоникидзе прэ XVII партконференция ваш
промышленность 1931 бэрш и задэибэ прэ 1932 бэрш

Докладо т. Молотовонэс прэ XVII партконференция ВКП(б)
ваш второ пандбэршытко плано

КОКОРИНА — Колхозница крестьянка сыклёв кэ военно
рэндо

Уставо и программа ВКП(б)

ПАРТИЙНО ИЗДАТЕЛЬСТВО

Тимин 10 гаспря
Цена 10 коп.

14074

Цыг.
259

НА ЦЫГАНСКОМ ЯЗЫКЕ

РЕЗОЛЮЦИИ XVII КОНФЕРЕНЦИИ ВКП(б)

Переводчик Н. Панков

Редактор А. Таранов

ПАРТИЙНОЕ ИЗДАТЕЛЬСТВО

Москва, центр, Кузнецкий мост 7

	Цыг.
	2-59